



Broj: JN-1/18.7.3-16.4-32/23

Datum: 13.12.2023. godine

Na osnovu člana 61. Zakona o Upravi („Službeni glasnik BiH“ broj 32/02 i 102/09), člana 22. Stav 1. Zakona o službi za poslove sa strancima („Službeni glasnik BiH“ broj 54/05 i 36/08), člana 64. Stav (1) tačka b), člana 70. Zakona o javnim nabavkama Bosne i Hercegovine („Službeni glasnik BiH“ broj 39/14 i 59/22) i Zapisnika o pregledu dokumentacije i traženje saglasnosti za dodjeljivanje Ugovora drugorangiranom ponuđaču, broj: JN-1/18.7.3-16.4-32/23 od 12.12.2023. godine, direktor Službe donosi:

ODLUKU

Član 1.

Prihvata se preporuka Komisije za javne nabavke Službe o dodjeli ugovora drugorangiranom ponuđaču, u konkurentskom postupku javne nabavke klima uređaja;

- „**INTER-COM**“ d.o.o. Zenica sa ukupnim iznosom ponude od **6.388,00 KM** bez uračunatrog PDV-a.

Član 2.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Ugovor potpiše i ovjeri **u roku od 10 dana** od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Ugovora i dodjelit će ugovor trećerangiranom ponuđaču.

Član 3.

Za realizaciju ove Odluke zadužuje se Sektor za administraciju.

Član 4.

Ova odluka objavit će se na web stranici Ugovornog organa i istovremeno će se uputiti ponuđačima koji su učestvovali u postupku javne nabavke.

Član 5.

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke klima uređaja: JN-1/18.1-16.4-32/23 od 26.10.2023. godine i proveden je putem konkurentskog postupka sa objavom obavještenja o nabavci na Portalu javnih nabavki broj 1420-7-1-27-3-45/23 i objavom sažetka obavještenja u Službenom glasniku BiH broj 79/23.

Tendersku dokumentaciju sa Portala javnih nabavki preuzelo je 32. (trideset i dva) potencijalna ponuđača a do roka za dostavu ponuda ponude su dostavila 9. (devet) ponuđača i to:

- „INTER-COM“ d.o.o.. Zenica
- „ICE-NET“ d.o.o.. Sarajevo
- „DIGITAL LINE“ d.o.o. Sarajevo
- Z.T.R.“BMG ELEKTRONIK“ Zvornik
- „ENERGO CENTAR“ d.o.o. Laktaši
- „PRIMAPROM“ d.o.o. Banja Luka
- „HIPEX“ d.o.o. Čapljina
- „RIMENERG“ d.o.o. Banovići
- „UNIVERZALNO“ d.o.o. Sarajevo

U postupku ocjene ponuda Komisija za javne nabavke Službe je izvršila otvaranje ponuda i ocjenu pristiglih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda.

Komisija za javne nabavke Službe izvršila je evaluaciju ponuda i prije dostavljanja Zapisnika o pregledu i ocjeni ponuda direktoru na saglasnost dostavila je Sektoru za administraciju Spisak ponuđača čije ponude ispunjavaju uslove za E-aukciju i to:

- „INTER-COM“ d.o.o.. Zenica
- „ICE-NET“ d.o.o.. Sarajevo
- „DIGITAL LINE“ d.o.o. Sarajevo
- Z.T.R.“BMG ELEKTRONIK“ Zvornik
- „ENERGO CENTAR“ d.o.o. Laktaši
- „PRIMAPROM“ d.o.o. Banja Luka
- „HIPEX“ d.o.o. Čapljina
- „RIMENERG“ d.o.o. Banovići
- „UNIVERZALNO“ d.o.o. Sarajevo
-

E-aukcija je provedena dana 24.11.2023. godine sa početkom u 13:00 sati na kojoj su učestvovali gore navedeni ponuđači gdje je nakon provedene E-aukcije najpovoljniji ponuđač „RIMENERG“ d.o.o. Banovići.

Nakon provedene E-aukcije kroz sistem E-nabavke Komisija za javne nabavke Službe imenovana Odlukom direktora broj: 18.1-16.4-170/23 od 09.02.2023. godine dostavila je direktoru Zapisnik o pregledu i ocjeni ponuda broj: JN-1/18.7.3-16.4-32/23 od 27.11.2023. godine (koji je u prilogu Odluke) i uputila preporuku direktoru Službe za izbor najpovoljnijeg ponuđača.

Navedena Odluka dostavljena je prvorangiranom ponuđaču u prilogu akta, broj: : JN-1/18.7.3-16.4-32/23 od 28.11.2023. godine, te je istim aktom izabrani ponuđač obaviješten da je u skladu sa tačkom 11.1 Tenderske dokumentacije, obavezan dostaviti tražene dokaze, kao i obrazac za cijenu ponude (Aneks 3) sa umanjenim cijenama nakon provedene e-aukcije.

Međutim prvorangirani ponuđač, u roku od 5 (pet) dana od dana zaprimanja Odluke o izboru najbovoljnijeg ponuđača nije dostavio traženu dokumentaciju, odnosno istekao mu je ostavljeni rok za dostavu iste. Navedeni ponuđač Odluku o izboru najpovoljnijeg ponuđača zaprimio je 05.12.2023. godine, a rok za dostavljanje traženih dokaza bio je 11.12.2023. godine.

Članom 72. stav (3) Zakona o javnim nabavkama propisano je da Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač, između ostalog, propusti da dostavi dokumentaciju koja je bila uslov za potpisivanje ugovora ili u pisanoj formi odbije dodjelu ugovora.

Shodno navedenom direktor Službe donio je Odluku o dodjeli Ugovora drugorangiranom ponuđaču „**INTER-COM**“ **d.o.o. Zenica**, čija ponuda ispunjava sve uslove iz tenderske dokumentacije i ocijenjena je kao drugorangirana za nabavku klima uređaja.

Uzimajući u obzir navedeno, odlučeno je kao u dispozitivu ove Odluke.

Pouka o pravnom lijeku

Žalba se izjavljuje Službi za poslove sa strancima u pisanoj formi neposredno u tri primjerka u zakonskom roku.

Dostaviti:
-ponuđačima
-web stranica Službe
-a/a

